

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Leter e hapun z. Gjergj D. Bubanit	Faq. 57
2. Të pertrëmt e rregullimit shoqner	„ 63
3. Ndera e komit: breznit e reja	„ 73
4. Fragment — Drita (<i>vjerrshë</i>)	„ 80
5. Kontributi i Rregulltarvet	„ 85
6. Mikroparasitët	„ 91
7. Urti e burrit nder banorë të Cemit	„ 97
8. Bibljoteka e „Hyllit“	„ 104
9. Quo Vadis...? — Pj. II. — 4	„ 33

Kemi pasë kujtue,

se nuk ká si me kenë burri i ndershem e inteligent e një herit láskeq.

Ata qi nuk kan pague pajtimin e vj. 1933

as s' janë marrë vesht me në, lutem të na kállxojn me çë fjalë t' i shenjojm në regjistrin e pajtimtarvet t' onë.

Kur të kemi, tash paguejm

kjo fjalë qi shqyp don me thanë **në rrasë të Motit** nuk perkón me një nieri inteligent e të ndershem.

Kemi krizi financjar

si ju edhe na e tanë bota; porse tue pague pajtimin i pshtoni nemose krizit të nderçs; me aq e gjá — si i thonë një fjalës **as çirak as çipllak** e po pat vojtë puna më 10 franga, u ká krisë edhe e ká pasë me të tana.

Por pa ja hjekë vetit nuk i epet tjetrit

ase kurrkush nuk ká gjá teper, as na s' u a kemi dergue rivisten pse e kemi pasë teper, por pse jeni zotnue të pagueni.

Po nemose nierzija a bân pare?

Të merreni vesht me në, tue kerkue ndjesë.

LET E HAPUN

Zotni GJERGJ D. BUBANI

Drejtues i fletores „KUVENDI KOMBTAR“

rá grushti

....me këto fjalë fillojte një artikull i parë i fletores s' Uej Nr. 5., (1) qi barte daten 14 Janar 1933 (*sic*), por sugurisht ka rrshitë penda, pse mâ, si dihet botnisht, ju, vjet aso kohe, ene nuk keni pasë ndrrue *fletë* me fletoren e ré t'Uejën. *O tempora, o mores!* Mos kjoftë permendë!

Artikulli nuk ká nensbkrim, — si çë kan xânë të bâjn shqyphtarët e sodit, kúr duen, si thotë artikullshkruesi, t' u «bijn grusht» shqyphtarvet të djehit; prandej, edhe si artikull i parë, natyrisht u jet Jú në derë ndera e pergjegjsija. *Cui honor, honor!*

Ju, qi e njilni mirë artikullshkruesin, per at dhimbsí, qi tregoni ndaj né, per solidaritet fletorár, jeni të lutun t' i komunikoni shkrimtarit t'Uej në fjalë ket leter si vijon:

Zotni,

Na giteni si t' ishit larg Shqypnijet e gati si të huej, e mundeni mos me e dijtë tanë fuqin e frazes shqype «me i

(1) *Qe tekstualisht artikulli në fjalë:*

I rëndë si plumb ra grushti i Mirash Ivanajit mi një takëm rethe dhe organizata të cilat, të mështetura në një të shkuarë patriotike të pabiseduëshme, pretendonin të jenë të paçikëshme dhe të pakontrolluëshme edhe brenda Shtetit Shqipëtar, ndonëse rastiste që vepra e tyre e tashme të mos ishte qint-për-qint në pajtim me parimet themeltare të kolektivitetit shumëfetar që quhet Shqipëri.

As njeri tjetër, posë profesorit shkodran me fytyrë masive, në vijat e së cilës pasqyrohet një vullnet i çelniktë, nuk ish e mundur të merte një aqe të madhe përgjigjësi.

Ivanaji e mori. Dhe kuximi i tij nuk pshtetet as mi injorancë dhe as mi oportunitet.

